


續修四庫全書



《續修四庫全書》編纂委員會編

續修四庫全書

上海古籍出版社

三二八・史部・別史類

明史四百十六卷目錄三卷（卷二百十六至卷二百七十六）

〔清〕萬斯同撰

.....
一

明史卷二百十六

列傳六十七

馬愉

陳循

蕭鑑

高棅

王文

江淵

徐有貞 許彬

馬愉字性和臨朐人宣德二年進士第一授翰林修撰九年秋宣宗特詔簡史官及庶常士三十七人進學文淵閣以愉為首召試稱旨賜寶楷正統元年以楊士奇薦與苗象高穀曹偁同直經筵明年進侍讀預修宣宗實錄成進侍讀學士五年入閣預機務尋進禮部右侍郎以父老乞歸省命馳驛行未幾還朝十二年卒贈尚書兼學士贈官兼職自贈學士以文學受知兩朝為人端重簡默門無私謁辦事務崇寬厚士奇常展墓還言所歷州縣預備倉多傾圯或曰久廢難卒復愉曰政之興廢在人積貯天下大命也可緩乎士奇從其言署議以聞帝為遣廷臣巡視修舉民多蒙其利在閣時嘗奏天下獄久者淹歲率瘼死乖天和宜簡使者分道決遣帝嘉納焉遣寇竊發帝方命將征討而別部使至衆議執之愉言賞善罰惡為治之本因惡以及於善非法乘人之來而執之不武帝然之厚遣其使於是所部皆感悅歲入貢不絕其持論得大體類如此

陳循字德遵泰和人永樂十三年進士第一授翰林修撰循才思聰敏學習朝廷典故成祖幸北京命循取秘閣書詣行在遂留侍馬三殿灾循陳數事皆嘉納洪熙元年進侍讀宣德初與楊溥同受命直南宮日承顧問賜第五河橋西凡巡幸未嘗不從五年進侍講學士宣宗留心經史頗以文翰自雄御史張楷獻詩帝疑其干進欲罪之循曰彼亦忠愛故也遂解御史陳祚出按江西疏勸帝讀大學衍義帝大怒立命往逮既而問循循頓首曰祚小臣處遠方不知聖學淵源然其心則無他也帝怒稍平後竟免死正統元年兼經筵講官七年進翰林院學士九年入文淵閣典機務先是廷議時政大學士楊士奇楊榮楊溥皆預至是士奇榮已卒循及曹鼐馬愉遂得預議明年進循戶部右侍郎兼學士土木之變人情洶洶循居中用事所言多見採納進戶部尚書兼職如故也先犯京師循請勅各邊精騎入衛且馳檄招諭回番以疑敵帝皆從其計景泰二年循韓妻與鄉人爭墓地令家奴訐鄉人侵占欲殺守墓者巡按御史周鑑訊驗無狀抵奴罪循怒撫鑑事奏之命御史王豪覆按豪奏循所言皆妄循恚甚復劾豪黨鑑於是給事中

林聰等極論循罪帝心然聰等言然以循大臣卒置不問初循本以才望顯及是素譽頓墮焉歸進少保兼文淵閣大學士帝欲易太子內畏諸閣臣先期賜循及高穀白金百兩江湖王一寧蕭鐵五十兩以餌之比下詔議易儲循等遂不敢爭三年四月加太子太傅復賜黃金五十兩其年秋偕同官陳時政九寧皆報可循既見寵任乃集古帝王行事名曰勤政要典上之是年河南河北久雪麥苗皆死循等請發帑金市麥種賦貧民令更藝帝皆嘉納七年進華蓋殿大學士兼文淵閣如故是年秋循子英及王文子倫順天鄉試被黜相與誣搆考官劉儼等為六科給事中張寧等所劾帝亦終不罪英宗復位于謙王文皆置重典杖循百戍鐵嶺衛循久居政地刻躁多私為士論所薄至嚴譴則石亨徐有貞輩為之非帝意也後亨等敗循自貶所上疏自訟因言天位陛下所固有百官六軍誰不傾心愛戴當天與人歸之時群臣備法駕設大樂恭詣南內奉請臨朝非特宮禁不驚抑亦可示天下萬世而亨等僥倖一時計不出此卒嘗自取禍敗臣伏事累葉曾著微勞實為所擠惟陛下憐察帝憫之詔釋為民歸一年卒成化中于謙事

雪循子引例請恤乃復官賜祭循同邑蕭鐵字孟勤宣德二年舉進士需次于家八年帝命楊溥合選三科所得士拔二十八人為庶吉士鐵為首授編修正統三年預修宣德實錄成進侍讀久之代李時勉為國子監祭酒鐵善啟誘景泰初以老疾辭監丞鮑相率監生三千人叩闕請留帝可其奏尋充經筵講官明年帝幸學講尚書稱旨其冬以本官兼翰林學士入直文淵閣尋進戶部右侍郎兼官如故易儲議起鐵曰無易樹子霸者所禁矧天朝乎不聽加太子少師家宰通志成進戶部尚書帝不豫諸臣議復憲宗東宮吏部侍郎私以問鐵鐵曰既退不可再也英宗復位遂削籍天順八年卒成化中復官賜祭鐵學問該博文章瀟雅言動可稱然性猜忌遇事多退避云高穀字世用揚州興化人永樂十三年進士選庶吉士授中書舍人仁宗即位改春坊司直郎尋遷翰林侍講正統十年由侍講學士進工部右侍郎入內閣典機務景帝初進工部尚書兼翰林學士掌閣務如故英宗將還奉迎禮薄有千戶龔遂榮者投書於穀具言禮宜從厚穀袖之入朝徧示廷臣曰武夫尚知禮况儒臣乎眾善其言議欲以聞都御史王文不可

已而言官奏之詰所從得穀對曰是臣所因抗章懇請如遂深指帝雖不從亦不之罪景泰二年進少保東閣大學士明年易儲加太子太傅五年以應天鳳陽災異命穀往祀三陵且賑恤貧民七年進謹身殿太學士仍兼東閣是時內閣七人言語多齟齬穀清直持議獨正文文雖由穀薦引亦不相得且擠穀穀屢疏乞解機務不許都給事中林聰忤權要下獄論死穀力救聰得薄譴陳循及文以子不得舉鄉試搆考官劉儼黃諫中以危法穀方在告強起欲救之會帝命禮部會穀覆閱試卷穀力言儼等無私且曰貴胄與寒士競進已不可況不安義命欲因此搆考官乎帝乃賜循文子中式但黜林挺一人事得已英宗復位循文等皆誅竄穀謝病英宗謂穀長者語廷臣曰穀在內閣議迎駕及南內事嘗左右朕其賜金帛襲衣給驛舟以歸尋復賜勅獎諭穀既去位杜門絕賓客有問景泰天順間事輒不應居四年卒年七十穀美丰儀樂儉素官中書時嘗奉命寫經寺中遇雨徒跣歸或勞苦之穀對曰穀何足恤盡達執政白止正其事所全更不大乎聞者偉之及位台司敝廬瘠田而已成化初贈太保謚文毅子垣弘治中以戶部

主事出嚴藤松諸府水災要賄狼籍為巡按御史吳時實所發坐謫戍岷好侈多稱貸於人至是責家隨之致以墨敗

正文字千之初名強束鹿人也永樂十九年進士授監察御史持廉奉法為都御史顧佐所稱宣德末奉命治彰德妖賊張普祥獄還奏稱旨賜今名遷陝西按察使遭父憂命奔喪畢起視事正統三年以薦擢右副都御史巡撫寧夏入為大理卿六年遷右都御史振飭憲紀中外憚其風采九年出視延綏寧夏遣務勦治失律將校都督黃真以下二十人罪遣戍為

肅明年代陳鑑鎮守陝西平涼臨洮輩昌陵奏免其租尋進左都御史在陝五年鎮靜不擾景泰改元召掌院事文為人深刻有城府面目嚴冷與陳鑑同官一擢之外未嘗接談諸御史畏之若神然中實柔媚初按大理少卿薛瑄獄希王振指欲坐瑄死至是中宦奎英縱奴犯法下都察院治文鑑等但抵奴罪不及英為給事中林聰等所劾下詔獄二人具伏乃宥之內閣江淵嘗言法司斷獄多枉有詔辨理文及刑部尚書俞士悅遂求罷文言淵嘗私以事不聽故見誣乞賜推詰帝兩宥之三年春加太子太保時文當

出鎮陝西諸御史奏留之遂不行尋以南京地震江
淮北大水命文巡視文偕南京九卿議上軍民便宜
九事又言徐淮間饑甚而南京儲蓄有餘請盡發徐
淮倉粟賑貸以應輸南京者轉輸徐淮補其缺皆報
可是時陳循見任好剛自用高穀與循不相能以文
彊悍思引與共政以敵之乃疏請增閣員循舉其鄉
人蕭維禎穀遂舉文於是詔用文明年自江淮還朝
改吏部尚書兼翰林院學士直文淵閣二品大臣入
閣洵文始文雖為穀所引而穀性遲重循性明決文
反與循合而不附穀其後文以子倫故欲傾考官又
用穀言而罷由是兩人卒不相懌文尋遭母喪奪議
如前五年江淮大水復命巡視先是蘇松常鎮四府
糧每四石折白金一兩民便之後戶部仍徵米輸徐
淮凡一百十餘萬石率三石而致一石有致破家者
文首用便宜停之又發廩賑饑民三百六十餘萬民
大感悅時年饑多盜文捕獲長洲盜許道師等二百
人欲張大其功坐以謀逆大理卿薛瑄辨其誣給事
中王鎮乞會廷臣勘實於是坐誅者十六人而已還
進少保兼東閣大學士再進謹身殿大學士仍兼東
閣初英宗之還也廷臣議奉迎禮文時為都御史屬

聲曰公等謂上皇果還耶也先皇真不索上地金帝
而遽送駕來耶衆素畏文聞文言皆愕竟不決而罷
及易儲議起文率先承命至是景帝不豫群臣欲乞
還沂王東宮文意難之曰知上意誰屬耶乃疏請早
選元良疏甫上而英宗復位石亨等喊言官劾文與
于謙等謀立襄世子命鞠于廷文力辨曰召親王須
用金牌信符遣人必有馬牌內府兵部可驗也辭氣
激壯廷臣知其誣無敢為之言者遂與謙同斬於市
諸子悉戍邊成化初赦還尋復官賜祭弘治中贈太
保諡毅愍倫改名宗彞中成化二年進士歷戶部郎
中出理遼東餉中官汪直東征言宗彞督餉有功擢
太僕少卿弘治中累官南京禮部尚書卒謚安簡
江淵字世用江津人宣德五年進士改庶吉士授編
修正統十二年以侍讀與杜寧等十人同入文淵閣
肄業卿王監國徐有貞倡議南遷太監金英叱出之
踉蹌過左掖門時淵適入迎問之有貞曰以吾議南
遷不合也於是淵入極陳固守之策遂見知於王超
擢刑部右侍郎也先薄京師命淵叅都督孫鍾軍事
景泰元年出視紫荆倒馬白羊諸關監督修鴈門關
其秋遂以本官兼翰林學士入閣初機務明年大理

丞薛瑄自松潘督餉還乞致仕淵請留之以慰人望而薦禮部侍郎王一寧可大用詔一寧侍經筵留任又言今春土星入垣近太白晝見日食朔旦皆紀綱不振法度縱弛所致往者星變大臣求退朝廷不許終添班行今不可復事姑息臣乞先賜罷斥則如臣冒濫者亦必自省退避然後慎簡賢才以資任使庶可感天和銷災眚帝優詔慰留又明年京師久雪不霽淵上言漢劉向曰凡雨陰也雪又雨之陰也茲當仲春少陽用事而寒氣脅之占法謂人君刑法暴濫之象伏惟陛下恩威溥洽未嘗不赦遇有罪竊恐將司奉行無狀寬抑或有未伸且向者下明詔免景泰二年田租之三今復移檄追征則是朝廷自失太信於民怨氣鬱結良由此也願陛下渙發德音信詔令以保萬類幸甚帝乃令法司申寬濫詰戶部違詔故下尚書金濂於獄卒免稅如令東宮既易加太子太師四川巡撫李匡不職以淵言罷之遭母憂詔奔喪畢起復視事初侍講學士倪謙遭喪營奪情淵即薦謙為講官謙遂奪哀至是御史周文言嚮者淵之引謙正自為今日地既不盡孝安望盡忠况經筵必衣錦繡賜酒饌二人將何以為清中以既處分置

不開但命群臣遵從無評濫保正平山更河南江并機命同平江侯陳豫往撫之淵請禁淮安月城以護常盤倉廣徐州東城以護廣運倉并上軍民便宜數事帝悉命議行時江北將饑淮安糧輸運在塗者淵急遣還備賑漕卒乘機侵耗事聞遣御史按實淵劾勅當削籍廷臣以淵守便宜不當罪帝宥之時閣臣既不相協而陳循王文尤刻私淵好議論每為同官所抑意忽忽不樂會兵部尚書于謙以病在告詔推一公協理部事淵心微得之循等佯推淵而密令商賂單璘示以石兵江工四字淵在旁不知也比詔下

調工部尚書石璘於兵部而以淵代璘淵大失望葉宗復位與陳循等俱謫戍遼東未幾卒初黃珌之奏易儲也或疑淵主之丘濬曰此易辨也廣西紙與京師異索奏視之是非立別矣驗之果廣西紙其誣乃白成化初復官

徐有貞字元武初名理吳人宣德八年進士選庶吉士授編修為人短小精悍多智數喜功名凡天官地理兵法水利陰陽方術之書無不諳究時承平既久而西南用兵不息理以為憂正統七年疏陳兵政五事帝善之而不能用尋進侍講十年卒於憂感入南

許程私語友人劉溥曰禍不遠矣坐令子南還及
燕水難作卿王召廷臣問計程大言曰驗之星象稽
之曆數天命已去惟南還可以紓難太監金英叱之
胡濙陳橋威執不可兵部侍郎于謙曰言南還者可
斬也程大沮不敢復言景帝即位遣科道官十五人
募兵於外程行監察御史事往彰德寇退召還仍故
官程患於榮進自紉南還議爲內廷訕笑久不得遷
因遣陳橋玉帶且用星術言公帶將玉矣無何備累
加少保大喜因屢薦之而是時用人多決于少保謙
理屬謙門下士進說求國子祭酒謙爲言於帝帝曰
此議南還徐程即爲人傾危將壞諸國子生心術偏
理不知謙之薦之也以爲沮已深怨謙循勸程改名
因名有貞景泰三年遷右諭德皆河決沙灣已七載
前後治者皆無功廷臣共舉有貞乃擢左僉都御史
治之至張秋相度水勢條上三策一置永門一開支
河一濬運河議既定督漕都御史王竑以漕渠淤淺
漕運艱請息塞決口帝勅有貞如竑議毋執已見有
貞守便宜上言臨清河淺舊矣非因決口未塞也漕
臣但知塞決口爲急不知秋冬雖塞來春必復決徒
勞無益臣不敢邀近功詔從其言於是大集民

夫躬親督率閱五百五十日而工成之二未成也
帝以轉漕爲急命廷臣議方畧工部尚書江淵等請
遣中官偕文武大臣督京軍五萬人往助役期三月
畢平有貞言京軍一出日費不貲遇漲則束手坐視
無所施力今泄口已合決堤已堅但用沿河民夫自
足集事廷議遂寢事竣召還佐院事帝厚勞之尋復
出視漕河濟寧十三州縣河夫多負官馬及他雜辦
所司趣之亟有貞爲言免之顏孟二氏子孫賜田六
十頃爲豪強侵占無以供祭有貞請勅有司釐正除
其賦授帝亦報可七年秋山東大水河堤多壞惟有
貞所築如故有貞乃修舊堤決口自臨清抵濟寧各
置減水閘水患悉平還朝帝召見獎勞有加進左副
都御史景帝不豫武清侯石亨都督張軼等謀迎復
上皇告太常卿許彬彬曰此不世功也彬老矣無能
爲徐元玉善奇算盡興圖之元玉有貞舊字也亨即
夜至有貞家有貞大喜曰須令南城知此意軼曰已
陰達之矣乃令太監曹吉祥入白太后辛巳夜諸人
復會有貞所有貞升屋覽乾象亟下曰時至矣勿失
時方有邊警有貞令軼言備非常勸兵入大內亨
掌門鑰夜四鼓開張腰門納之既入促問以邊外兵

時天色晦冥亨執轡惶惑謂有貞曰爭當濟否有貞大言必濟越之行既薄南城門鎗毀牆以入上皇燈下獨出問故有貞等俯伏請登位乃呼進舉兵士惶懼不能舉有貞率諸人助挽以行忽星月開朗上皇各問諸人姓名至東華門門者拒勿內上皇曰朕太上皇帝也遂反走乃升奉天門有貞等常服謁賀呼號歲先是傳景帝明當升朝群臣咸待漏闕下忽聞南城及殿中呼噪聲方驚愕俄諸門畢啟有貞出號於衆曰太上皇復位矣趣入賀即命有貞兼學士入內閣參預機務明日加兵部尚書有貞謂亨曰願得冠側注從兄後亨爲言於帝封武功伯兼華蓋殿大學士掌文淵閣事賜號奉天翊衛推誠宣力守正文臣祿千一百石世錦衣指揮使納誥券有貞誣少保謙大學士王文穀之內閣諸臣斥逐畧盡即素德陳循亦弗救事權盡歸掌握中外咸側目而有貞愈益發舒進見無時帝亦傾心委任有貞既得志則思自異於曹石窺帝於二人不能無厭色乃稍稍裁抑之且微言其貪橫狀帝亦爲之動御史楊瑄劾亨吉祥侵民田不法帝問有貞及李賢皆對如瑄奏有詔獎瑄亨與吉祥大怨恨日夜謀搆有貞而帝眷顧日隆

時時屏人密語吉祥輒令小豎竊聽故洩之帝驚問曰安所受此語則對曰有貞實漏言前後某日語某事外間無弗聞帝自是疎有貞會御史張鵬等欲糾亨他罪未上而給事中王鉉泄之亨與吉祥二人乃泣訴於帝謂內閣實主之遂下諸御史獄并逮繫有貞及李賢忽雷雹交作大風折木帝感悟而重違亨等意乃釋有貞出爲廣東叅政亨等憾未已必欲殺之令人投匿名書指斥乘輿云有貞怨望使其客馬士權者爲之遂追執有貞於德州并士權下詔獄籍治無驗會承天門災肆赦亨吉祥慮有貞見釋言於帝曰有貞自撰武功伯券辭云續禹成功又自擇封邑武功禹受禪爲帝武功者曹操始封也有貞志圖非望帝出以示法司刑部侍郎劉廣衡等奏當棄市詔徙金齒爲民亨敗帝從容謂李賢王翱曰徐有貞何大罪爲石亨輩所陷耳其釋歸田里成化初復冠帶閒住有貞既釋歸猶冀帝復召嘗時仰觀天象謂將星在吳益自負常以鐵鞭自隨數起舞及聞韓雍征兩廣有功乃擲鞭太息曰孺子亦應天象耶遂放踰山水間十餘年乃卒有貞初出獄時拊士權背曰子義士也他日一女相托金齒歸士權時往候之絕

不及婚事士權辭去終身不言其事人以是薄有貞而重士權許彬字道中寧陽人永樂十三年進士改庶吉士授檢討正統末年累遷太常少卿兼翰林侍詔提督四夷館上皇將還遣彬至宣府奉迎上皇命書罪已詔及諭群臣勅遣祭土木陣亡官軍以此受知上皇還擢本寺卿英宗復位進禮部左侍郎兼翰林院學士入直文淵閣未幾爲石亨所忌出爲南京禮部右侍郎甫行貶陝西叅政至則乞休去成化初命以侍郎致仕尋卒彬性坦率好交游不能擇人一踴浮蕩之士多出其門晚叅大政方欲杜門謝客而

容惡其變態競相騰謗竟不安其位

論曰馬愉厚重高毅清直執論具知大體用能以功名終陳循王文深刻多私復持以剛愎固有得禍之理矣江淵鹿鹿浮沉寡所豎立徐有貞饒於智數乘隙以逞大都傾危之士也以云大受不亦難乎

明史卷二百十七

列傳六十八

楊洪子俊 從子能 信 石亨從子彪 郭登 朱謙子未 孫暉

楊洪字宗道六合人嗣祖職爲漢中百戶調開平勇敢善騎射撫士卒有恩遇敵輒身先突陷嘗從成祖北征至幹難河獲人馬還帝曰將才令識其名後進千戶宣德四年命以精騎二百專巡徽塞上降璽書獎諭由是名漸著繼命城西貓兒谷留兵戍之八年巡徽至紅山遇敵搏戰敵引却且戰且行至禮拜寺縱擊敗之英宗立累功至指揮使充遊擊將軍再以功進都指揮僉事時先朝宿將已盡洪後起戰遂知名於時爲人機變敏捷善出奇搗虛或夜劫營壘未嘗小挫雖爲偏校中朝大臣知其能深倚之有毀之者輒曲加將護洪由是得展其才正統初中官轉政阮鸞疏洪短帝知其誣切責政鸞而命洪副都督僉事李謙守備赤城獨石謙老而怯與洪不相能洪每調軍謙輒揚言曰非吾毒若皆洪也洪嘗勵將士殺賊謙笑曰徒殺吾人耳賊可盡乎於是邊備日弛御史張鵬劾罷謙遂命洪代其後指揮杜衡部卒李全皆訴奏洪罪帝從尚書魏源言謫衡廣西又執全

赴洪自治洪既感知遇益自奮而朝廷亦益厚之每奏捷功雖微必叙洪初敗兀良哈兵執其部長朵樂帖木兒既代謀任復敗其兵於西涼亭帝降勅嘉獎又勅宣大總兵譚廣陳懷曰楊洪破賊西涼亭即前寇延綏烏指揮王禎所敗者此賊常越東勝而西去若軍甚過顧不能撲滅視洪等愧否三年洪擊賊于伯顏山馬蹶傷足戰益力敗之禽其部長也陵台等四人追至寶昌州又禽阿台荅剌花等五人賊大敗遁去重書慰勞遣醫視疾進都指揮同知賞資甚厚尋以譚廣老命洪充右叅將佐之洪建議加築開平城拓龍門所自獨石至朔河川增置墩臺六十形勢相接進都指揮使四年與兀良哈兵戰三岔口八年追敵至亦把脫河皆有功再還都督同知明年兀良哈兵寇延綏洪率所部出大同境至黑山迤北邀其歸騎破之於克列蘇進左都督十二年充總兵官代郭珪鎮宣府自宣德以來迤北與中國和好未嘗大舉入寇其擾邊者多不過數百騎少或數十騎然他將率翼懦而洪獨以敢力戰被寵遇至大將迤北亦憚之稱烏揚王瓦剌使者至可汗脫脫不花太師也先皆致書於洪并遺之馬駝聞於朝勅令受之而報

以禮嗣後往來輒有貶遣帝方信任洪不責也及帝既北狩道宣府也先傳帝命趨開門城上人對曰所守者庄上城池也天已暮門不敢開且洪已他往也先乃擁駕去景帝監國封洪昌平伯也先復令帝為書遺洪洪封上之時景帝已即位馳使報洪上皇書鵠也自今雖真書悉拒毋受於是洪一意堅守也先逼京師詔洪急將兵二萬入衛叱至寇已退勅洪與孫鏗范廣等追擊餘寇破之霸州還所掠人畜萬計及聞寇返關殺官軍數百人洪子俊幾為所殲既退猶以功加進侯命率所部留京師且督京營訓練兼掌左府事時朝廷以洪夙將所言莫不納嘗陳禦寇三策又奏三千諸營將校率縱軍士富且壯者徒以貧弱充伍請一一簡汰帝皆從之景泰元年于謙以邊警未息請勅洪與石亨條上方畧洪於是列上四事且請重謙將權帝曰謙總督軍務即將權也餘令兵部議行都督宮聚王喜張斌先坐罪繫獄洪與石亨柳溥張軌薦三人曾經戰陣請釋令立功詔許之言官勅洪等黨邪抗政不聽其秋予世券明年命佩鎮朔大將軍印還鎮宣府從子能信充左右叅將洪奏曰臣既佩印充總兵官而兄子能都督同知信都

督僉事俱叅將子俊右都督管三千營一門父子官至極品手握重兵盛滿難居分宜知止乞賜臣休致終餘年或分調俊等他鎮帝不許居數月以疾召還京卒帝震悼賜祭塋贈顯國公諡武襄洪久居宣府御軍嚴肅士馬精強爲一時邊將冠頗好文學親儒者嘗請建學宣府教諸將子弟識者多之子傑嗣傑上言臣家一侯三都督蒼頭得官者十六人臣大懼不足報稱乞停蒼頭楊釗等職詔許之仍令給俸傑卒無子庶兄俊嗣俊初以舍人從軍累官指揮僉事守獨石父洪奏其戰功進署都指揮僉事移守馬營久之命總督獨石永寧諸處邊務景帝即位給事中金達奉使獨石劾俊貪侈無勇畧乃召還也先犯京師俊敗其別部於居庸進都督僉事與副都御史羅通等修治沿邊關隘未幾充右叅將佐朱謙鎮宣府初太監喜寧降賊數誘賊入犯中朝惠之購能禽斬寧者賞黃金千兩白金二萬兩爵封侯至是爲都指揮江福所獲俊冒其功言官及兵部請如詔帝不允加右都督賜金幣既而事露兵部請下俊獄奪所加官帝宥俊罪別賞福等俊恃父勢橫恣嘗以私憾杖都指揮僉事陶忠至死洪懼奏俊輕躁必悞邊乞令

來京隨臣操練許之既至言官交劾下獄論斬詔宥之令隨洪立功尋充遊擊將軍巡徼京西諸府還督三千營訓練景泰三年也先弒可汗脫脫不花俊上疏曰也先既弒其主并其衆東西萬里皆受約束此其包藏禍心窺伺邊境直須時動耳聞其妻孥輜重去宣府纔數百里壯健士馬屯沙窩者去邊尤近我緣邊宿兵不下數十萬宜分兵爲奇正以正兵列營大同宣府而奇兵伏獨石偏頭關諸處誘使來侵正兵堅壁清野坐觀其變奇兵晝夜倍道搗其巢穴彼必還兵自救我乘其奔潰奇正夾擊破之必矣疏下廷議于謙等以計非萬全遂寢圍營初設命俊分督四營四年再充遊擊將軍送瓦剌使歸至永寧被酒執都指揮姚黃杖之八十且縛出軍門令斬之曰朝廷賜我令旗得專殺我嘗杖死陶都指揮獨不能殺汝耶諸將力解而止貴訴於朝宣府叅政葉盛亦論俊罪以俊嘗潰于獨石斥爲敗軍之將俊上疏自理悉封還所賜勅書以明己功於是言官劾其跋扈廷鞫論斬錮之獄會傑卒傑母魏氏請暫釋俊營傑葬事乃宥死降都督僉事旋襲父爵并辭楊釗等俸會家人告俊侵盜軍儲再下獄論死輸贖還爵久之又

告俊丞庶母以丞未成克死奪爵命其子珍襲俊初
守永寧懷來關也先欲奉上皇還密戒將士毋輕納
既還又言是將爲禍本及上皇復位張軌與俊不協
言於朝遂徵下詔獄坐誅奪珍爵戍廣西憲宗立授
龍虎衛指揮使能字文敬沉毅善騎射從洪慶立遣
功爲開平衛指揮使正統末再以功進都指揮僉事
景泰元年進同知充遊擊將軍沿邊巡徼三月賊犯
蔚州能與俊所將兵萬人畏賊不進復與紀廣禦賊
野狐嶺遇伏兵敗能傷右膝爲巡按御史張昊所劾
手謀等言能實憂戰乃宥其罪尋命與石彪各統精
兵三千訓練備調遣再加都督僉事明年進同知充
左叅將隨洪守宣府三年冬改充左副總兵巡撫李
秉勛能貪情詔勿問五年召還總神機營勛都督張
通私役士卒詔奪通職天順初以左都督爲宣府總
兵官與石彪破賊磨兒山封武強伯是時也先已死
孛來繼興能欲約兀良哈與共殺賊壘以信砲與之
兵部劾其非計帝以能志在滅賊置不問四年賊二
百騎犯宣府能禦之失利士卒多傷復爲兵部所劾
帝亦宥之是年卒無子倫襲羽林指揮使信字文實
幼從洪擊賊興州賊將躍馬出陣前信直前搏戰禽

賊以是知名累功至指揮僉事正統末進都指揮僉
事守崇溝堡也先犯京師信率兵入衛進都指揮同
知景泰改元守懷來賊三十餘人入寇信與都督范
廣竟不能禦及護餉永寧行十餘里聞砲即奔皆被
勦朝議以時方用兵置不問明年進都督僉事充右
叅將仍守懷來永寧尋轉左叅將五年進都督僉事
代龍爲左副總兵鎮宣府上言鹿角之制臨陣可捍
敵馬結營可衛士卒每隊宜置十具繼以團牌又繼
以神銃弓矢遇敵團牌拒前鹿角列後神銃弓矢相
繼遞發則守無不固戰無不克從之天順初移鎮延
綏進都督同知明年破賊於青陽溝大獲封彰武伯
佩副將軍印充總兵官鎮守如故延綏之設總兵佩
印自信始也頃之破賊高家堡三年與石彪大破賊
於野馬澗明年賊二萬騎寇榆林信擊却之追奔至
金雞峪斬平章阿孫帖木兒還所掠人畜萬計其冬
代李文鎮大同憲宗即位信自陳前後戰功予世券
成化元年冬賊犯延綏信禦之無功還督三千營毛
里孩據河套命佩將軍印總諸鎮兵禦之賊既渡河
北去已復還據套且分兵掠永泉營及朔州信等屢
却之賊遂東入大同寇掠固詔信還鎮夫同六年信

與副將徐恕恭將張瑛分道出塞過敵南侵與戰於胡柴溝敗之賊且戰且却我軍轉戰益力復敗之獲馬五百餘匹璽書獎勵信在邊三十年鎮以安靜人樂爲用而性好營利代王嘗奏其違法事詔停一歲祿十三年冬卒於鎮贈侯誡武毅洪父子兄弟皆佩將印一門三侯伯威名震邊陲一時言名將皆推楊氏昌平侯既廢能以流爵弗世而信獨傳其子瑾弘治初領將軍宿衛三傳至曾孫炳隆慶時協守南陳詔掌京營戎政累加少師卒諡恭襄傳子至孫崇獻奉自成陷京師被殺福王立贈彰武侯

石亨渭南人生有異狀方面豐軀美鬚及膝從子魁魁梧似之鬚亦過腹二人嘗貰酒入肆有相者見之驚曰今當平世何二人有封侯相乎亨嗣世父職爲寬河衛指揮僉事善騎射有胆力好用大刀每戰舞刃陷陣輒摧破正統元年春以獲首功累遷都指揮僉事頃之賊入掠黃牛坡亨奮擊敗之獲馬甚衆三年賊三百餘騎飲馬黃河亨追擊至官山下多所斬獲進都指揮同知尋充左叅將協守大同建言邊餉難繼請分軍三千墾火同迤西曠土可歲增糧萬八千石減軍士月糧如之詔即議行八年冬賊犯延安

亨追至金山敗之再遷都督僉事亨以國制搜將才未廣請倣古置軍謀宏遠智識絕倫等科令人得自進報可十四年與他將巡徽塞外至箭谿山擊敗元良哈寇俘斬五十餘人進都督同知當是時邊將智勇者推楊洪其次則亨亨雖位偏將中朝倚之無殊大帥故亨亦爲盡力其秋也先大舉寇大同西寧侯宋瑛武進伯朱冕等戰沒亨單騎奔還詔降爲事官募兵自効未幾英宗蒙塵邸王監國召掌五軍大營進右都督無何封武清伯也先逼京師命亨偕都督謝瑾等九將分統京軍二十萬人營九門外皆受亨節制以德勝門尤當敵衝特以命亨時尚書于謙主號令新定戰格臨陣有進無退將不顧軍先退者掌令官立斬其首軍不顧將者後隊斬前隊由是諸將惕息無敢不受約束寇首薄彰儀門都督高禮等却之轉至德勝門外謙亨先伏兵空舍遣數騎誘之佯敗寇以萬衆來追伏兵起擊以神砲火器寇大奔死者甚衆既而圍孫鏜西直門外亨分兵往援寇引却相持五日見我軍嚴整不可敗遂飲衆西遁論功亨爲多進武清侯景泰元年二月命佩鎮朔大將軍印赴大同巡哨遇賊敗之其秋予世襲誥券三年帝將

易儲加亨太子太師于謙之立園營也命亨提督充總兵官如故八年帝將却出宿齋宮疾不能行禮召亨令代亨受命榻前見帝病甚畢事遂有異志密與張軌曹吉祥等謀立上皇上皇既復辟以亨首功進爵忠國公眷顧隆異言無不從亨由是勢燄薰灼肆為非法弟侄家人冒功官錦衣者五十餘人部曲親故竄名奪門籍得官者至四千餘人兩京大臣竄逐殆盡引用儉邪充其位如太僕丞孫弘郎中陳汝言蕭德張用瀚却璜龍文朱銓員外郎劉本道並引為侍郎非其私人則皆以重賄故時有朱三千龍八百之語一時嗜進競走其門其他武職自小校拔為都督者不可勝紀既以私憾殺于謙范廣等以給事中成章御史甘澤等九人嘗攻其失貶黜之數與大獄構陷徐有貞耿九疇岳正而戊楊瑄張鵬謫周斌盛顯等又惡文臣為巡撫抑武臣不得肆盡撤還之由是大權悉歸於亨亨無日不進見干預政事即微宣召亦必假事以進出則張大其勢以市權驕貨帝父不能堪嘗與李賢言及賢曰惟獨斷可以己之帝曰非不欲獨斷其如不從彼即艱然見於色賢曰陛下以禮諭之彼安敢不服帝然之一日語賢曰閣臣有

事須燕見彼武臣耳何故頻來遂勅左順門閣者自今非宣召毋納總兵官亨自此燕見漸稀亨嘗白帝乞立碑於其祖墓工部希亨指請勅有司建立翰林院撰文帝以永樂以來無為功臣祖宗立碑例命亨自立責部臣而宥之初帝命所司為亨建第既成壯麗踰制帝一日登城見之問誰所居恭順侯謬對曰此必王府帝曰非也瑾曰非王府誰敢僭踰若此帝領之是時亨既權倖人主而從子彪亦封定遠侯驕橫如其父兩家所蓄材官武士不下數萬中外將帥率出其門由是都人側目咸疑其有不軌志三年秋彪謀鎮大同令千戶楊斌奏保帝覺其詐收斌等拷問得實帝震怒下彪詔獄亨懼請罪帝慰諭之亨請盡削弟姪官放歸田里帝亦不許及鞠彪得其繡蟒龍衣及違式寢床諸不法事罪當死遂籍彪家命亨養病先是亨私遣京衛指揮裴瑄出關市木又私遣大同指揮盧昭追捕亡者至是事覺法司交章請罪亨帝猶置不問法司再鞠彪言彪初為大同遊擊以代王增祿攘為己功王至跪謝自是數款彪必出款妓行酒彪凌侮親王罪亦當死因劾亨招權納賕肆行無忌私與術士鄒叔義等談論天文妄說休咎宜